

tum capillare in terra : germanice : *wie Haarsilber in den Bergen.* Haec massa argentea *facilius* puro argento in omni fere liquore acido minerali soluitur.

§. XX.

Argento puro autem in solutione per spiritum nitri aut aquam fortem aliquo modo tale principium sulphureum redditur ; eoque ipsi reddito hanc in interstitia sua recipit ; aqua fortis autem tamquam acidum , aliud in argento obuium acidum aut salem secum combinatura omni conatu intrat in poros argenti et tali modo penetrat , ut aërem in poris contentum expellat , quod ex bullulis ad superficiem tendentibus videre est , ita , ut totum menstruum cum argento saturetur , illudque ita resoluat atque recludat , ut diaphaneitatem cum illa adquirat.

§. XXI.

Nunc solutio argenti (*) per aquam fortem facta sequentem in modum concipi potest : sulphureo principio impraegnata aqua fortis communicat primo argento , et tunc inuadit acidum in argento contentum :

hoc

(*) Argentum solutioni tradendum antea vel in frustula tenuia scindatur , vel in tenuissimas lamellas diducatur , ut aqua fortis plures partes attingere pluresque poros simul ingredi possit.